

# Ze barri?

ESKORIATZA / Egubakoitza / 2005eko abenduaren 2a / 233. zenbakia

KOORDINATZAILEA: Iker Barandiaran • Otolara 31 ARRASATE 20500 • Tel.: 943 71 25 11 • Faxa: 943 71 23 89 • Posta elektronikoa: zebarrigoiena.com • Lege gordailua: SS200/99

## Abenduaren 26an inauguratuko dute gaztelekua pilotalekuan

IKER BARANDIARAN

Udalaren asmoa da abendu bukaeran inauguratzea gaztelekua. Pilotalekuko lokal batzuetan kokatuko dute, eta 12 eta 16 urte bitarteko gazteendako izango da. Lehenengo ikasturtean egubakoitzetik domekara egongo da zabalik zerbitzu hori.

2004an Eskoriatzako Udala gazteria politika aztertzen hasi zen. Udalak egindako azterketaren arabera, iaz 12 eta 16 urte bitarteko 140 nerabe bizi ziren herrian, 68 neska eta 72 mutil. Udalaren esanetan, gazte talde horrek aste barruan ez dauka aisialdirako denbora nahikorik. Asteburuetan, berriz, denbora libre luzeen dutenean, alokatutako lokal pribatuetan, Udalak utzitako lokaletan, leku ezkutuetan edo tabernetan elkartu eta ibiltzen dira.

Hala, Udalak erabaki zuen gazte talde horrendako beste zerbitzu bat sortzea: gaztelekua, hain zuzen. Eta pilotalekuan hutsik dauden eta elkar komunikatuta dauden lokal batzuetan kokatzea erabaki zuten: pilotalekuaren tabernan eta txistularien lokalean.

### EGUBAKOITZETIK DOMEKARA

Udaleko Gazteria Sailak erabaki du zerbitzua egubakoitzetik domekara bitartean ematea. "Premia handiagoa dagoela ikusten badugu, zerbitzua egun gehiagora luzatuko dugu, baina jakin badakigu aste barruan adin horretako gaz-



Luis'Ezeiza eskolaren parean jarriko dute, eta 12 eta 16 urte bitartekoendako da. Argazkian, etorkizuneko erabiltzaileak.

teak oso lanpetuta daudela", azaldu zigun Udaleko Gazteria teknikari Mainer Etxanizek.

Gazteria Saileko arduradunek uste dute gaztelekua leku oso aproposan dagoela, "erdigunean dagoelako, Luis Ezeiza eskola parean daukalako eta berez pilotaleku

inguruan gazte asko egoten delako, besteak beste".

Etorkizunean lokal gehiago erabiltzeko asmoa daukate, baina momentuz aipatutako biak erabiliko dituzte. Honako baliabideak izango dituzte: telebista, DVDa, musika entzuteko aparatua,

mahai-futbola, mahaiak, jarlekuak, eta abar. Horrez gainera, bestelako ekimenak ere egingo dituzte, bai lokalean eta baita handik kanpo ere.

### GAZTEEN GUSTURA APAINDU

Aipatutako moduan, abenduaren 26an inauguratuko dute gazteendako zerbitzu berria. Hori baino lehenago, hilaren 15ean, berbaldia egingo dute kultura etxean, gura duten herritar guztiei gaztelekua eta haren funtzionamendua azalzteko. 18:30ean izango da.

Gaztelekua atonduta inauguratuko dute, baina gazteek aukera izango dute euren gustura apaindu eta margotzeko.

*Udaleko Gazteria  
Sailak 12 eta 16 urte  
bitarteko  
gazteendako sortu  
du zerbitzu hori*

*Hilaren 15ean  
berbaldia egingo  
dute kultura etxean  
gaztelekuaren  
gainean*

## LABUR

### Benito Lertxundik atzeratu behar izan du kontzertua


Gaur, egubakoitza, Benito Lertxundik kiroldegian egin behar zuen kontzertua bertan behera gelditu da. Hala eman ziguten aditzera, eguazten iluntzean, Udaleko Euskara eta Kultura Sailek.

Lertxundi gripeak jota gaixorik dago, eta hainbat kontzertu bertan behera utzi behar izan ditu. Horien artean Eskoriatzako.

Udaletik aditzera eman digute beste data bat hitzartu dutela. 2006ko urtarrilaren 13an emango du kontzertua Lertxundik kiroldegian, eta txartel berak erabili ahal izango dira. Hala ere, datozen egunetan zehaztuko dute dirua berreskuratu gura dutenek noiz eta nora jo beharko duten.

### Bihar, zapatua, Euskararen Eguna ospatuko dute

Aurtengoa da egun hori ospatzen duten bigarren aldia. Iaz mural handi bat jarri zuten herriko plazan, eta esaldiak eta marrazkiak zintzilikatu zituzten. Bihar, zapatua, 11:00etatik 13:30era jolasak eta tailerrak izango dira herriko plazan. Eguraldi txarra egiten badu, kultura etxeko aretoa erabiliko dute. Eta 17:30ean, euskal dantzak egingo dituzte eta Arizmendiko gazteak bertsotan ibiliko dira.



**FAGOR**

Fagor Ederlan

Fagor Ederlan, Elk. Koop.

Gasteñadul suzua 42  
20540 Eskoriatza  
Gipuzkoa

Tel: +34 943 719 000  
Fax: +34 943 719 001



**AZKOAGA**

**ESTANKOA**

943 71 48 77  
Zure  
Zerbitzura

**TELEFONO JAKINGARRIAK**

|                           |              |
|---------------------------|--------------|
| <b>ESKORIATZA</b>         |              |
| Udaletxea                 | 943 71 44 07 |
| Udal bulegoak             | 943 71 45 32 |
| Udalzaingoa               | 943 71 44 07 |
| Euskaltegia               | 943 79 21 68 |
| Kultura etxea             | 943 71 46 88 |
| Gizarte laguntzailea      | 943 71 31 36 |
| Kinrol etxea              | 943 71 53 28 |
| Liburutegia               | 943 71 31 35 |
| Luis Ezeiza               | 943 71 53 56 |
| Jose Arana Almen Ikastola | 943 71 44 86 |
| Almen                     | 943 71 49 07 |
| Museo Eskola              | 943 71 54 53 |
| Avroki                    | 943 71 40 77 |
| HUHEZI                    | 943 71 41 57 |
| Osakidetza                | 943 71 44 52 |
| Telesko                   | 943 71 49 17 |
| Taxiak                    | 943 71 40 59 |

|                               |              |
|-------------------------------|--------------|
| <b>BESTELAKOAK</b>            |              |
| Eskualde ospitalea (Arrasate) | 943 00 53 00 |
| Gurutze Gorria (Bergara)      | 943 76 55 76 |
| Ertzaintza (Arrasate)         | 943 79 71 99 |
| Suhiltzaileak (Oñati)         | 943 79 28 00 |
| Renfe (Zumarraga)             | 943 72 15 15 |
| Renfe (Gasteiz)               | 945 23 20 30 |
| PESA (Arrasate)               | 902 10 12 10 |
| Larrialdiak (Arrasate)        | 943 77 10 43 |
| SOS Deliak                    | 112          |

**OHARRAK**

**BENITO LERTXUNDIREN KONTZERTUA ATZERATUTA**

Benito Lertxundi gaixorik dagoelako, gaur, egubakoitza, eman beharreko kontzertua atzeratu egin behar izan dute. 2006ko urtarrilaren 13an egingo dute kiroldegian. Txartel berdinak erabili ahal izango dira, baina dirua berreskuratu gura duenak horren aukera izango du. Laster azalduko dute noiz eta non emango duten.

**BIHAR, ZAPATUA, EUSKARAREN EGUNA OSPATUKO DUTE**

Bihar, zapatua, Euskararen Eguna ospatuko dute. 11:00etatik 13:30era umeendako jolasak eta tailerrak egingo dituzte herriko plazan. Eguraldi txarra egiten badu, kultura etxeko aretoan egingo dituzte. Horrez gain, 17:30ean, euskal dantzak egingo dituzte herriko plazan. Beheko Errota musika eskolako gazteek dantza egingo dute. Horren ostean, Almeneko ikasleek bertsoak abestuko dituzte.



AMAGIOIA LASAGABASTER

Argazkian, Juan Carlos Bengoa alkatea Dorletako lanen gainean azalpenak ematen.

**Hiru enpresa aurkeztu dira Dorleta auzoa eraberritzeko**

IKER BARANDIARAN

Dorleta auzoan lan garrantzitsuak egiten dabilta aspaldian. Bigarren fasean etxebizitzak aurkeztu dituzte eskaintzak. Gai hori batzordean landu ondoren, osoko bilkuran erabakiko dute.

Agintaldian Udalak herriko bi auzo eraberritzeko proiektu garrantzitsuak dauzka eskualdean: batetik, Santa Ana; eta bestetik, Dorleta.

Santa Anako lanak hasita daude eta Amaral enpresak hartu zuen horren ardura. Hala ere,

hainbat herritarrek lan horien atzerapena salatu izan dute.

Dorletari dagokionez, lehenengo fasea, aparkalekuei dagokiona, abian da. Bigarren fasea, berriz, hastear dago. Etxebizitzak aurkeztutako alegazioak aztertu ondoren, enpresen eskaintzak jasotzeko epea astelehenean bukatu zen.

Udalak gehienez onartuko duen aurrekontua 1.905.000 eurokoa izango da. Orain udal batzordeak hiru enpresek (Fonorte, Murias eta Amaral) egin dituzten eskaintzak aztertu beharko dituzte. Horren gaineko erabakia hurrengo osoko bilkuran eman goko dute.

**LABUR**

**Etxebizitza hutsak errentan jartzeko Bizigune programaren gainean aritu ziren**

Atzo, eguena, Eskoriatzako Udalak eta Jaurlaritzak iaz hitzartutako Bizigune programaren gaineko berbaldea egin zuten kultura etxean. Berbaldiaren helburua zen alokatzeko moduko etxebizitza hutsak dituzten herritarrei programa horren gaineko informazio zabala ematea. Hau da, etxebizitza horiek zer baldintzatan alokatzen dituzten, Jaurlaritzak etxeetako jabeek zer berme eman dien eta beste ohar batzuk.

Horren bitartez bultzatu gura dute herrian hutsik dauden etxebizitzak irteera ematea eta etxebizitza bila dabiltzanei aukera gehiago ematea.

Berbaldian Udaleko, Jaurlaritzako, Suradesako eta Mankomunitateko ordezkariak esku hartu zuten, eta hainbat azalpen eman zizkieten herritarrei. Laster emango dituzte programa horren gaineko lehenengo datuak.

**Osoko bilkuran hartutako erabaki garrantzitsuenak**

I.B.

**Osoko bilkuran erabaki zuten Mendiolako pinudia Forestal Elorriori saltzea; eta Santa Marina auzoko urbanizazioa eta etxeak eraikitzeke lanak Visesa enpresari esleitzea, besteak beste.**

Aurreko astean osoko bilkuran hartutako erabaki batzuk ezin izan genituen aditzera eman. Hor-taz, hemen laburbildu ditugu.

Udalak Mendiolako pinudia Forestal Elorrio koop. enpresari salduko dio 146.060 eurotan (BEZa barne). Hiru enpresa aurkeztu ziren (Donostiako Central Forestal, Legutianoko Aserradero San Blas eta Forestal Elorrio) eta Elorriokoak egin zuen eskaintza onena, eta 12 hektarea eskuratuko ditu.

Bestalde, Udalak Visesa eta Orubide enpresei esleitu dizkie

Santa Marinako etxebizitza tasatuen eraikuntza eta inguruaren urbanizazio lanak. Lehiaketa horretara ere hiru enpresa aurkeztu ziren (Visesa-Orubide, Gedi eta Arrasate Inbertsioak).

Urbanizazio proiektua dagoeneko onartuta dago, eta 15 bat egunetara Udalak eta Visesa-Orubidek kontratua sinatuko dute lanak abian jarri ahal izateko. Kontratua sinatzerakoan epeak zehaztuko dituzte. Udalaren asmoa da etxebizitza tasatuak ahalik eta lehen eraikitzea.

**BERDINTASUNAREN ALDEKO MOZIOA**

Ezker Batua taldeak berdintasunaren aldeko mozioa aurkeztu zuen. Horren arabera, elkarteek eskatuko zaie horren alde egitea dirulaguntzak jasotzeko.

Horrez gain, Santa Anako autobus geltokia eta markesina, biak hala biak, aldatu beharko dituzte datozen egunetan.



**Luis Ezeizakoek lagunak egin dituzte Toledon**

Luis Ezeiza eskolako hainbat ikasle Toledon izan ziren orain dela bi aste. Astebete pasa zuten han eta Sevilla eta Zaragozako ikasleekin batera hainbat ekimen egin zituzten. Kontatu digutenez, ikasleak bidaia egiteko desatzen zeuden, eta oso pozik etorri dira Andaluzia eta Aragoi aldeko beste gartetxoekin bizi izandako abenturekin. //B.

**LAGUNAK**  
DASTALEKU

*Gustora egoteko!*

Intxaurtxueta 8  
**ESKORIATZA**  
943 71 40 63

**MIRENTXU**  
**TABERNA**

*Kafe goxoa hartzeko*

Tel.: 943 71 41 67

SAION DE BELLETA  
OSASUNA ETA EDERGINTZA

**DORLETA**

Aranburuzabala 22, behea  
**ESKORIATZA**  
Tel.: 943 71 51 20

**LENIZ, C.B. KONPONKETAK**

**LENIZ**  
ESKORIATZA

TXAPA, MARGOA eta MEKANIKA

**SUZUKI**

Aingeru ibiltokia z/g. • Tel.: 943 71 50 61 • Eskoriatza